

ادبیات عمومی مجموعه سی

بسم الله الرحمن الرحيم

محاربه حاضره ايله تركرك تاريخنده بر « رنه سانس » دورى آچيلور .
بوگونه قدر متعب و غليظ بربلداي كابوس دوام ايتمكده ايدى . شرقى روما
دولتى تخریب، مشرف انهدام اولان خلافت و سلطنت اسلاميه يي هيچ برپادشاه
سلفك يتشدیره مدیكى حدودلره ایصال ایدن عثمانلیر ایکی سنه اولنه کلنجهیه قدر
بردور توقفده بولونیورلردی . حرب عمومی بزم موجب انتباه و تیقظمز اولدی .
توفیقات ازلیه صمدانیه دن استعانه ايله بومبارزه مقدسه استخلاصه آتلدق .
قایتولاسیونلری ، اجانبك موجودیتمز اوزرینه وضع ایتدکاری حجر و حجزلری
قالدیردق . ترقی و تعالی یه قطعیا قرار ویردك . ایشه بونك ایچوندركه هر کونمز
حرب و ضرب ايله کچدیكى حالد ، بوايکی سنه ظرفنده حصول پذیرا اولان ترقیات
واصلاحات درجه سنده تکملاته مملکتمز هیچ بروقت نائل اوله مامشدی .
ایشته بوانقلابات آره سنده تکاملات فکریه یه اشتراك ، عنعنات مستحسنه مز
داخلنده تجدواتی تسهیل ، متفکرین وارباب قلممزه بر محل مباحثه و مناظره
تهیه ایتك مقصدلریله بو « ادبیات عمومی مجموعه سی » نی تأسیس ایدیوروز .

هفته لوق تاریخ عسکری

۲۰ تشرین اول

حرب عمومینک بدایتندن بری متفقین قطعاتنک احراز ایلدکلی طفرلر شمدی یه قدر هیچ بر حربده کورلمه مشدر . صوک حرب آلمان اصولی ، تورک حماستی پارلاق مثالرله عالمه اثبات ایتدی . حرب عمومینک دها بدایتنده متفقین قطعاتنک بلجیقایی اورتادن قالدیرمالری ، سریع بر یورویشله فرانسه یه کیرمه لری ، هیندنبورغ قطعاتنک روسلره قطعی ضربه لر اورارق لهستانی آلمان طوپراغنه الحاق ایتلری ، چاناق قلعه ده شانلی اردومزک انکلیر وفرانسز قطعاتنک اک مدھش آلات حربیه ایله وقوعبولان تجاوزلرینی غضنفرانه پوسکورتمه لری ، دها صوکره صربستانک بالقان خریطه سندن سیلنمسی ، دوبریجه نك شانلی قطعاتمزله متفقلریمز طرفندن اشغالی ، قهرمان عثمانلی اردوسنک غالیچیا حدودلرنده بیله عثمانلی حماسه وجلادتی تاریخی دشمنمز موسقوفلره قارشى فعلاً اثبات ایتلری حرب عمومینک اک شانلی ، اک پارلاق ، اک کزیده افعال خارق العاده سندن عد اولمایه سزادر .

عراق جبهه مندره . — صوک هفته نك وقایع عسکریه سی ینه بر معتاد طفرله مالیدر . (کوة الاماره) ده انکلیرلرک قوماندانلریله برابر محافظه اردوسنی اسیر ایدن قطعاتمز الان فعالیت قهر نانه سنه دوام ایلکده در . دجله ده موفقیتلی آتشلرله دشمن ازعاج اولوندینی کبی انکلیرلرک شیخ سعید جوارنده کی اردو کاهلرینه ده باصقین اجرا ایدلمشدر . عسکرلریمز بوباصقینلر اثناسنده دشمنک سپرلرینه قدر کیرمشلر ، غنائمه عودت ایلشلردر . آره صره طیاره لر مزدشمن اردوگاهنه موفقیتله بومبا آتمشلردر . انکلیرلر بو موفقیتلریمزک انتقامنی آلمق ایچون (کوة الاماره) نك شمالنده (بدره) یه آتدقلری بومبالرله ، ساکن وییکناه اهلیدن برچوجوق شهید و اوچ کشی بی مجروح ایتمشلردر .

ایران جبهه سنده (همدان) ک الی کیلومتر وشمالنده روسلره برای استکشاف متعدد استقامتلردن تعرض ایدن ایلری قطعاتمز دشمنی ضایعات عظیمه ایله طرد ایلشلردر .

غرب صحنه هر بنده . — بر قاچ کون هوا یا غمورلی اولدیغی ایچون (صوم) جوارنده فعالیت کوستریله مه مشدر . فرانسلرک (له بوف - رانقور) خطندن اجرا ایلدکلی موضعی هجوملر پوسکورتولمشدر . آلمان طوبجیسی (صوم) کی طرفنده کی دشمن سپرلرینی و بطریه لری مؤثر آتش آلتنه آلمشدر . انکیزلر (قورسەلت) ، (لوسار) و (غوده قور) ک شالنده تعرض ایتمشلر ایسه ده موفقیتله پوسکورتولمشدر . دشمنک بالاخره اجرا ایلدیکی شدتلی بر هجوم ده سونکو وقیلج ایله قانلی بر صورتده دفع ایدلمشدر . بو هجوم تمام اوج کون غایت شدتلی بر صورتده توالی ایش ، بواثناده دشمنک ایکی زرهللی اوتوموبیلی تخریب اولومشدر . (صوم) ک جنوب ساحلنده (لامه زونه ت) چفتلیکی ایله جنوبنده کی فرانسلر خطی آلمان قطعائی طرفندن ضبط ایدلمشدر . بواثناده دشمندن اون بشی ضابط اولمق اوزره درت یوز اون ایکی اسیر آلمشدر .

وردون حوالیسندده دشمن (دوئومون) استحکامنه قارشى بر آرزیر قازانمشدر . نهایت (دوئومون) استحکامنی تخلیه یه مجبوریت حاصل اولمشدر . فرانسلر بالاخره (دوئومون) استحکامنک شرقنده کی آلمان موضعلرینه هجوم ایتمشلر ایسه ده کلیتی ضایعات ایله پوسکورتولمشلردر ؛ دیگر کونلرده طوبجی محاربه لرندن باشقه حادثات وقوعه کلمه مشدر .

شرق صحنه هر بنده . — روسلره قارشى دائماً موفقیتلی محاربه لر اجرا ایدلمشدر . (شچارا) بوینده روسلرک هجوملری عقیم قالمشدر . هجوملر متعدد دفعه لر تکرار ایدلمشدر . بواثناده دشمندن بر ضابط ایله سکسان سکز نفر اسیر آلمشدر . روسلرک (پوستومیتی) نک غربنده (روسه دورق) ک شرقنده اجرا ایلدکلی هجوملر کاملاً کری پوسکورتولمشدر .

رومانیا هر بنده . — رومانیا یه قارشى دائماً موفقیت احراز ایدلمشدر . آلمان اوستریا - مجار قطعائی (وولقان) کچیدنی ضبط ایتمشدر . ترانسیلوانیانک شرق حدودنده دشمنک تعرضلری کری پوسکورتولمشدر . (برده آل) ک جنوبنده (قامپولونع) استقامتده متفقین قطعاتنک هجوملری

دائماً ایلیله مشدر . (قرونشناد) ك جنوبنده رومانیا لیلرك بر موضعی باصقین صورتیه ضبط ایدلش ، دشمن شدتله تعقیب ایدیلر ك (پارتزوغا) وادیسنه قدر پوسکورتولمشدر . متفقیقن قطعاتی (قامپولونخ) استقامتیده ایلیله مشدر . (قرمزی قله) نك جنوب شرقیسنده عنودانه مدافعه ایدیلن دشمن موضعلری هجوم ایله ضبط ایدلمشدر ؛ بو حوالیده ۲۸ ضابط ویدی یوزدن فضله اسیر آلمشدر .

بالقابه صحنه صربنده . — هفته نك ایلك كونلرنده چرناوودا ضبط ایدلمشدر . بوضورتله دویریجه ده حرکت ایدن رومانیا - روس اردوسی طرق مواصله سندن محروم اولمشدر . دشمنك دویریجه اردوسی تعقیب ایدلمشدر . دشمن هر درلو مالزیه سنی براقه رق علی العجله فرار ایتمشدر . دشمنی تعقیب ایدن مفرزه لر روسلرك پیاده وسواری قطعاتیه تماسده بولونیورلر .

ماکدرینا صحنه صربنده . — پره سپه كولنك جنوبنده بولغار سوارییی دشمن مفرزه لریله تماسی محافظه ایلمشدر .

چرنا ساحلنده صربلرك تعرضلری پوسکورتولمشدر . صرب وفرانسز قطعاتنك هجوملری توالی ایتش وكافه سی ده موفقیتله کری پوسکورتولمشدر . ایالتیابه صحنه صربنده . — قارست یا یلاسنگ قسم شالیسی شدتله طویچی و طورپیل آتشی آلتنه آلمشدر . متفقیقن موضعلرینه تقرب ایدن دشمن کشف مفرزه لری ال خبره لریله کری یه طرد ایدلمشدر .

*
*
*

دوبریچ صحنه صربنده . — قهرمان عسکرلریمزله بلغار و آلمان قطعاتنك مظفریاتی دوام ایلکده در . کوستجه ده اله کچن غنائمك مقداری پك چوقدر . مجموعی بشیوز واغون ، بر چوق لوقوموتیف ، هیچ بوزولامش بر شمندوفر استاسیونی ، کاملاً طولو پترول خزینه لری ، لیمانده کاملاً طولو هانغار و آنترپولر ، لیمانده و قتیله رومانیا لیلرك توقیف ایتش اولدقلری آلتش قدر عثمانلی معونه سندن عبارتدر .

رومانیا قطعاتی طولی ، ابرائیل حیرصوه استقامتده رجعت ایلکده در .
 بوهفته ظرفنده دشمندن ۱۵ ضابط ، ۷۷۱ نفر اسیر ، ۱۵ میترالیوز اغتنام
 ایدلمشدر . نهایت حیرصوهده ضبط ایدلمشدر .

بوموفقتی متعاقب کوپرو تعقیب ایدلمش ، دشمندن سکنز یوزدن فضله اسیر
 آلمشدر . سلستره نك شرقنده بر آطه ضبط ایدلمشدر . صوك كونلر ظرفنده
 رومانیایا جبهه سنده شایان اشعار بر وقعه ظهور ایتمه مشدر .

مختلف صحنه حربلردن آلمان خبرلردن آکلاشیلیورکه متفقین قطعاتنك
 موفقیاتی کوندن . کونه آرتقمده در . بالخاصه غالیچیاده ودوبریجده شانی
 عسکرلریمزك پارلاق موفقیتری قوماندانلرینك تقدیر و تحسینی جلب ایلکده در .
 صوم وادیسند آلمان قطعاتی فرانسلرک آیلردن بری دوام ایدن شدتلی
 هجوملرینی پوسکورتمکه اکتفا ایدرک ائتلافچیره قطعی ضربه بی رومانیاده
 اورمق فکرنده درلر . حربك قطعی بردورهیه داخل اولایلمسی ایچون
 رومانیانك اورتادن قالقماسی الزمدر . ائتلاف حکومتلری متفقلری سلاح
 قوتیه مغلوب ایده میه جکلرینی آکلادقلری ایچون آچلق تأثیریه موفقت
 استحصالنه غیرت ایلکده درلر . متفق مملکتلرک محصولات زراعیه سنی ،
 فیض و برکتی نظر اعتباره آلمایان ائتلافچیر ، رومانیانك اورتادن قالقماسی
 ایله بوخولیا لرنندن ده محروم قالمش اولاجقلردر . چونکه اوزمان متفقلر ،
 اللرینه کچه جك کنیش بر انباردن ایسته دکلری کبی استفاده ایده بیله جکلردر .
 متفقلرک قوه مغنویه سی توالی ایدن ظفرلرله کیتدکجه انکشاف ایلکده در .
 اردوده بو حالت روحیه نك وجودی مظفریت ایچون ضمان قطعی تشکیل ایدر .
 فی الحقیقه لودندورفك دیدیکی کبی : « نتیجه قطعیه بی خبره دکل . عسکرک
 روحی حصوله کتیره جکدر . آلمان و آوستریا - مجار عسکرینك احوال
 روحیه سی خصملرک جمله سنه فائقدر » .